

ME HYƐ ASE WƆ NYANKOPƆN NE DZIN MU, ƆDOMFO, MBOBORHUFO NO.

Fida Nyamesemka: Ɔbese 25, 2013.

(Friday sermon – 25th October, 2013 – Fante Translation)

MOSQUES (ASƆRDAN) NE NSII NA HƐN AHYƐDZE.

“Ka de M’Ewuradze no ahye de wombu atsen tsenenee wo adze nyinara mu. Na hom adwen nsi bea biara a wosom no aber biara na hom mfa nkotosere mfre No na hom ndzi nokwar kann mma No wo som mu. De mbre Ɔdze hom aba nkwa mu fir ahyese no, demara na hom besan ako [\(7:30\)](#)”.

O ! Adam mba, hom mfa efuradze aber biara na bea a woye asor, na hom ndzidzi na wonnom, mbom mma hom mma ombbor do. Ampaara de Ono dze Onndo hon a woye adze mbordo no [\(7:32\)](#)”.

Onam N’adom do sama Ahmadiyyafo a wowo Brisbane na hon a wowo Australia esi mosque wo Brisbane a wo Australia man mu yennkotum ada Nyankopon ase onam N’enympa ntsi. Dem asaase no wotoo no beye mfe duenum a abesen ko no ma wosii asofofie ma mpaabo dan wo do. Aber a Hazrat Khalifatul koor Brisbane nsrahwe a odzikan wo afe 2006 mu no ohuun de se wodze adan no si nkyen a asaase no nnyi enyodofew a wodze si mosque a nye enyiso, Nye Nyankopon nenyimpa de Jama nkitahodze dzendzen abeda Jama’at (kuw) na Khalifat ntamu, nkitahodzi a yennhu no wo wiadze yi ne fenandze beebiara. Iyi nam Baiat na Anohoba Mesiah (as) ne nkyerekere a okyere odo nkitahodzi, onuado na setsie wo Baiat ne nyee ho na dem nkitahodzi yi oda Jama’at na Khalifat nhyehyee a adze boboo adze no ho.

Mosque ye hen ehiadze na aber biara a Jama’at hia no yebesisi, Khalifat bo dzin osiande dem mosques wonom ber yi do Khalifa do na wosisi, Hazrat Khalifa Masih kaa de otwe adwen gyina do de mosques ye Tabligh (Nyamesemka) ne farbaa no mu kor. Ber a okoor nsrahwe wo Brisbane wo afe 2006 mu no, okaa de Asoryebea no yie dodow naaso wo de wosi asordan (mosque). Jamaat no dze edwuma ho sunsum gyee too mu na onam Nyankopon N’adom do wosii mosque wo asaase no do. Akwanbew aserotow a osisii hon akwan mu no nkye orema kuw no eenya adwen bi koraa wo mosque a binom wo no.

Mbom fisamenafu a wowo ho no binom tsiaa mosque no ne nsii, naaso mbodzembu a woboe bosoom akron ekyir no, apaamu ho kuw a wohwe ho no buee kwan maa hon ma whyee asordan no ase wo Mumu bosoom no mu wo afe 2012 mu ma seisiara yewo asordan feefew bi. Dza woesi no ofor yi na adan no a woye no yie yi nyinara som Australia Dollars opepe anan nye ekyir pow enum (4.5 Australia dollars). Kuwmba no dze ayemuyie maa sika ma wodze dzii dwuma no. Kuwba bi dze 125,000 dollars boaa dwumadzi no; kor so dze 100000 dollars boae. Ankorankor biara boaa mbre n’ahom so a ehwe a oboor n’ahom do mpo! De mbre Ahmadiyyafo hon ntoyee tse no, ha so wodze hon egudze mae de womfa nsi asordan no. Ketseankye Nyankopon ehyira hon a woboo afor nyinara!

Ɖwɔ dɛ yɛkae dɛ afɔrbɔ sunsum, ɔdɔ, nokwardzi na setsie nnyi dɛ ɔyɛ enyigyedze a ɔnnkye wɔ Ahmadiyyanyi mu, mbom ɔwɔ dɛ ɔkɔ do waawaa eso ɔkyer ma ɔkɛhen awow ntoatoado a odzi hen enyim no mu. Ampaara, dem sunsum na enyigye yi betsenahɔ wɔ ber a yedze hen enyi betsim Nyankopɔn Ne mbransɛm no do wɔ ber a obi nye ne Nyankopɔn benya nkitahodzi wɔ nokwar mu, wɔ ber a yɛbeyɛ hen ahyɛdze wɔ mosque (asɔrdan) ho, wɔ ber a yɛbeyɛ dza yerebɛhen Bai'at no a ɔyɛ nyia no a ɔyɛ Nkɔmhyɛnyi Krɔnkrɔn (NNN) no nokwarfo eso oetu noho ama no ne dze no. Afei nna hen so yɛbeyɛ mosque (asɔrdan) n'ahyɛdze no ma.

Ndɛ Nyamesɛmka yi gyina Nyankopɔn Ne mbransɛm kumaa bi do dze ahyɛ hen nkoran na hen asefo so dɛ wɔbɔsɔw dem dwumadzi yi do. Kuran mu nsem yi a yekrantsee yi yehyɛɛ ase wɔ nyiyimu eduasa (30) na eduasa ebien (32) a ɔyɛ Sura Al Ar'af a ɔfa mosque (asɔrdan) ho. Wɔka fa dza wɔrohwehwe ma agyedzifo ayɛ na wotu fo dɛ hɔn a wɔnye mosque (asɔrdan) dzi nkitaho no wobɛnya Nyankopɔn N'adom, sɛ wɔyɛ Nyankopɔn N'asomfo nokwarfo a. Mbrɛ ɔtse ara nye dɛ pɛpɛryɛ na wɔayɛ no nhyɛ ama hɔn, pɛpɛryɛ a ɔhyɛ ase wɔ afɔpo (bricks) no a odzi kan wɔ asetsena mu, ɔno nye fɛ ofi ebusua mu dze kɛhen ananaben mu.

Iyi nye dza ohia ma asomdwee wɔ wiadze yi mu gyinabew biara na sɛ yenntum dza ɔno ɔdze basabasayɛ bɛba na ampaara dɛ ɔdze ba. Pɛpɛryɛ nkotsee nnye adze a yehia wɔ hen asetsena mu nsem ho na hen nkorɔfo mu, nokwar nye dɛ pɛpɛryɛ so hia dɛ yedze Nyankopɔn ne mbransɛm beyɛ edwuma na yeasom Nyankopɔn dɛ mbrɛ ɔsɛ. Mfaso a ɔwɔ dem som yi ho no gyedzinyi no nkotsee na onya. Ogyedzinyi mapa biara wɔdɛ ɔyɛ ahweyie wɔ dem asem yi ho na iyi botum ayɛ edwuma wɔ ber a yeyɛ hen asɔr mpɛn enum dabiara na ankorankora biara nya nsakyɛr mapa wɔ no mu wɔ ber a ɔrobɔ mbɔdzen edzi adasamba ho dwuma.

Ebedzi adasamba ho dwuma botum ayɛ dɛ kun rehyɛ mbransɛm a wɔahyehyɛ ama no dɛ ɔdze ne yer ne pɛ bɛma no no ma, ɔbɔhwe hɔn ehiadze ama hɔn, obɛnya abotar ama hɔn na ɔbeyɛ ahweyie wɔ ebusua nhyehyɛɛ mu (rehmirishtay), dɛ wɔ bobu hɔn awofɔ, enuanom na yernom hɔn ebusuafo nkaa no, nnye dɛ wɔdze hɔn enyi besi mbaa no hɔn egyapadze na hɔn ahonya do na wɔbeyɛ ahweyie wɔ hɔn mba hɔn skuulkɔ na hɔn ntsetseeho. Hom nye fasusu mma hom mbofra dɛ mbrɛ wɔnye ɔsom no benya nkabɔmu. Ɖwɔ dɛ wɔkae dɛ mpanyin na mbofra wobu dze ma gyedzi (som) tsitsir mber a woedzi mfe duebien dze kɔ duanan, mpɛn pii wɔ ber a wohu dɛ hɔn egyanom wɔ bu dze ma som no, wɔ mber a hɔn egyanom yɛ asɔr na wɔ kenkan Koran mber nyinara.

Dza yetaa hu nye dɛ nanom na wɔtaa dwen mbofra ho wɔ hɔn som ho anaa wɔka hɔn ho nsem kyɛrɛ Hazrat Khalifatul Masih. Demara, so na ɔyer biara wɔ asodzi dɛ ɔbeyɛ pɛpɛr wɔ ne dwumadzi mu. N'asodzi a odzikan nye n'ebusua: obobu no kun na ebusua nhyehyɛɛ, ɔbɔhwe mbofra tsitsir hɔn ntsetsee. Ahweyie tsitsir wɔ dɛ ɔkɔ mbofra hɔn ntsetseemu wɔ dem asetsena yi mu na ɔyɛ asodzi dze ma awofɔ no dɛ wɔbɛ tsetse hɔn mba wɔ Nyamesom kwan do. Hom ntsintsim wɔ mbofra no hɔn mu dɛ wɔyɛ Ahmadiyya Muslimfo na iyi no ɔwɔ dɛ awofɔ no yɛ fasusu ma mbofra no na wɔma hɔn ntsetsee wɔ soronko a ɔda hɔn na nkorɔfo nkaa no hɔn nta mu. Sɛ awofɔ no annyɛ fasusu amma hɔn a nna ɔno wɔnnye pɛpɛr.

Banyin na basia biara a ɔye ne pe de wɔbɛkan no aka nokwar agyedzifo ho no mfa obiara ne fahodzi mma no wɔ asetsena nhyehyee mu, de ɔye guadzi mu anaa adze biara mu. Ohia de yebeye perper. Nyankopɔn aye gyedzifo kuw no de adze kor. Yebotum edu dem mpenpendo yi wɔ ber a nyimpa biara aye ahweyie wɔ nkorɔfo nkaa no hɔn yaw ho, wɔ ber a hen yeenya perperye. Yaw a ɔwɔ honam ne fa bi no ka honam dua no nyinara na iyi ho na ɔwɔ de ye hwe dze hu nkorɔfo nkaa no hɔn yaw. Anohoba Mesia (ANN) kaa de ɔwɔ de yetse nkorɔfo nkaa no hɔn yaw. Yeka kyere wiadze fa no hen nuado nhyehyee, no ho hia de yeda no edzi wɔ honam enyi.

Wɔ asɔrdan mbue ano ho asetsena a yeyee maa Australia ahɔho nda kakra a etwa mu no, Hazrat Khalifatul Masih gyina ne kasa wɔ kasafua a na ɔreka de, se yeammfa nyimpa hɔn fahodzi amma hɔn a, ɔno Nyankopɔn a yerosom No no ye bregu. Se yedze nyimpa ne fahodzi ma no a, ɔno dwuma a yebedzi biara beye som na ɔno bɔboa hen Nyamesom. Muslimfo a wɔtse som ase no bɔbɔ hɔnho mbɔdzen aber nyinara de wɔbeye adasamba hɔn ehiadze wɔ hɔn fahodzi mu na iyi Ahmadiyyafo tse ase yie osiande wɔagye dem mber yi mu Sunsum mu Kandzinyi (Imam) no ato mu de mbre ɔbeye a wobena Nyankopɔn N'adom, wɔahye Nyankopɔn no som n'ahyedze ma woehu botae a ɔnam do ma Wɔbɔɔ nyimpa.

Anohoba Mesia (ANN) kaa de: 'Ɔye som a ɔse de enya ɔɔ soronko na ehumbɔbɔr ama adasamba. Iyi ye akwanya kese de yebena Nyankopɔn a Ɔkrɔn No ho enyigye.' Dem nkyerekyere feefew yi ma yehye perper ne ehiadze ma na ɔtwe hen ben Nyankopɔn. Se nyimpa kɔ asɔrdan mu wɔ ber a ɔwɔ dem adwen yi a, ɔbeye Nyankopɔn no dɔ etuu. Mbɔdzembɔ a gyedzinyi bɔbɔ de ɔridzi: 'Na hom ntsintsim hom adwen nkɔ papaye mu mber nyinara na bea a wɔye asɔr....' benya Nyankopɔn no hɔ adom.

De mbre yenyim no, ndzeyee a ɔye Nyankopɔn ne ndzeyee kata mbɔdzembɔ biara a yebo do, na yennkotum eenya ahotsewee gyinabew biara wɔ henara akasa hen ahɔdzen mu na yennkotum eenya ahotsewee gyinabew biara wɔ ber a ndzeyee a ɔye Nyankopɔn Ne ndzeyee nnka ho. Hen pe ɔnye hen mbɔdzembɔ de yebeye papa no twe hen adwen kɔ Nyankopɔn no do na mboa a yesere fi No hɔ no bema wɔakan hen aka nkorɔfo a wɔye: '...perper ma no wɔ Nyamesom mu' na nkorɔfo a wɔtse dem yi botum ehu Nyankopɔn ne nkrato a ɔhyeren no: '...Me tsie nyia ɔbɔ mpa a ne mpaabɔ se ɔbɔ mpa a kyere Me a

Anohoba Mesia (ANN) kaa de: De wobetsie nyimpa ne mpaabɔ no ɔwɔ de nsakyer kɔnkron ba no mu. Se wɔanntwe noho emmfi ndzeyee bɔn ho na obu Nyankopɔn N'ahyedze do a, ɔno ne mpaabɔ nnyi mfaso biara. Yebotum atse Nyankopɔn N'ahyedze ase efi Kuran mbransɛm mu.

Dem mbransɛm yinom ye kwan ahorow a yefa do ben Nyankopɔn ɔma Nyankopɔn agye hen mpaabɔ to mu. Nyiyimu a ɔtɔdo ebien no ka kyere Adam nananom de womfura hɔn tam wɔ ber a wɔrokɔ asɔr dan mu na gyedzinyi biara wɔ tampa nye Nyamesuro.

Anohoba Messia kyeremu de nyimpa no sumsum mu ahoofew nye de ɔbenantsew tsenene akwan nyinara do; iynom nye sumsum mu ahoofew a ɔda edzi de yedze hen adwen bɔkɔ Nyankopɔn n'ahyedze do na yedze hen akwaa tse de nsa, anam, enyiwa, aso a wɔda edzi wɔ enyiwa do tse de adwen , nye dze a ɔkeka ho nyinara ye edwuma de mbre ɔfata wɔ hɔn

mberba mu na ye besiw ho kwan de wobeye edwuma wo mber a onnyi de woye na yebobo koko wo nkorofu hon ndzinoa ho yie ma sumsum mu ahoofew esi pi.

Nyankopon aka no wo Kuran Kronkron mu de Nyamesuro tse de akatado (tam) (Libaasuttaqwa) na wakano wo Kuran mu, asekyere nye de sumsum mu egudze wonya fir tsenenee nye de obi beye ahweyie wo Nyankopon N'ahyedze do na ahyedze a wo dze ma Ahmadiyyafo a oye hon asodzi nyede wobema gyedzi ehia hon asen biribiara wo wiadze yi mu. Ahotsewee nye de obi bema n'adwen ako ahyedze ketsekete mpo do onye asodzi ahorow nyinara nye adasamba hon asodzi na yebehye no ma de mbre otse peperep de mbre hen ahodzen botum (Darahweene-Ahmadiyya, part v, Ruhani Khazain Vol.21 pp.209-210, Essence of Islam, Vol.2 pp.347-348).

De mbre Anohoba Mesia no edzi kan aka no owo de ankorankor biara n'adwen ko n'ahyedze na asodzi nyinara do. Asodzi a odzi kan a oda Ahmadiyyanyi biara do nye de obema wo ne yiedzi ehia no asen wiadze yi mu biribiara, se yedzi nsem yi do a nna obema hen Nyamesom edzi mu na watum ama yeaben Nyankopon na obema yeahu hen mpaabo no nsunsuando na hen dwumadzi nyinara beye de mbre Nyankopon pe. Yeboko asordan mu wo Nyame ntsi na yedze adasamba hon ndzinoa bema hon wo ber a yebesi asordan. Nyankopon hye hen de yemfa ahotsewee nye asor na de mbre Anohouba Mesia (ANN) no akyerere no ahotsewee nye de obi dze Nyankopon na adasamba hon ndzinoa bema hon na yebobo mbodze de yebeye hen nyamesom yie na yeabo hen Salat ho ban na yeama asordan no kronkronye asom hen bo.

Huzoor kaa de nkorofu binom taa bebisa mpaabo fi no nkyen naaso hon enyin kyere de worebisa onora keke, anaaso de honara wonnye Salat no yie. Nkomhyenyi Kronkron (NNN) n'akadofu bi bisaa no mpaabo na okaa kyere no de omfa ne ndwumapa nye n'asorye mboa no wo mpaabo no mu. Nyamesomkuw no botae nye de asoramba nyinara nye Nyankopon benya nkitahodzi. De mbre Huzoor dzii kan kaa wo ne Fida Nyamesemka no mu no owo de yeye Waliu_Allah (Nyamekopon N'adamfo) na nnye de yebedzi ahotseweefo ekyir keke. Owo de yeye hen asordzi a owo de yedzi ma Nyankopon na adasamba nyinara. Huzoor n'asem a okaa de yenye Waliu_Allahfo no nnkyere de yemfre henho Wali anua Pir mbom asekyere nye de yenye Nyankopon Ne Khalifa nya nkitahodzi. Nkonhyenyi Kronkron (NNN) nyaa nkomhye faa hon a wonye Jama'at yi benya nkitahodzipa de hon na wobanya nkumyimdzi.

De yeesi asordan wo Brisbane yi, hen asodzi adoso osiande owo de yedze asordan no tampa fura no wo Nyankopon n'enyim, iyi ye asoramba no hon asodzi de wobeye dza ofata de woye nyinara na wodze Islam ho dawurbo petse oman n'afenandze nyinara; se yetum ye iynom nyinara a nna Nyankopon begye aforbo a yeabo esi asordan no ato mu. Hadis mu nsem bi kyere de hon a woba asordan mu de worebeye asor wo ope na odo mu na wobanya Nyankopon ho adom. Owo de yewoon asor ebien ntamu tse de mbre yerowoon ohye do na yerobo henho ban efi Satan noho na yedze ahotsewee atar koko asordan mu, owo de Ahmadiyyanyi biara nya subanpa a okron wo wiadze yi mu. Se yetse iynom ase a yebanya Nyankopon N'adom nye Ne nhyira nyinara.

Nyiyimu a otodo ebien a me kenkanee no kyere de hom ndzidzi na hom nnom naaso mma hom nnye no mbordo. Ampaara de Nyankopon mmpɛ hɔn a woye oyetrado. Asem yi asekyere kor nye de yebedzidzi no kwan do na yebedzi dza noho tsew (Halal), osiande dza yedzi no nya nsunsuando wo hen adwen na hen atsenka do, edzidzi mbordo ma nyimpa yar enyihaw. Se obi dzidzi dodow wo ewumbir a onntum nsor ntsem nye Fajr asor no. Wo bea fofor mu no, Kuran aka de hɔn a wonnye agyedzifo no dwen edziban ho de mbowa, naaso gyedzinyi no botae bor iyi do koraa. Nyankopon abo edziban ama odasanyi naaso onnyi de yeedzidzi ara keke; mbom de mbre yebanya Nyankopon N'enyigye no, iyi beye yie wo ber a nyimpa remmfa wiadze yi nnkeye no botae nkotsee. Nyankopon mmpɛ oyetrado ber a edzidzi no mma hwee nnye hom akondo na yemfa iyi nto hen adwen do. Nyankopon mboa hen de yebeye edwuma enya hen ndzinoa. Hom nye edwumadzen nhwehwe hom akohomabodze na se hom were fir hom yiedzi a onnye nhaira. Mesere de Nyankopen mbo hen ho ban mmfi edzifudzi gyinabew a otwe hen fi Ewuradze Nyankopon nkyen ho.

Nyankopon N'adom ara ntsi Ahmadiyyafo dodowara dzi dem ahyedze yi do de mbre m'edzi kan aka no, dodowara tse aforbɔ sunsum ase na wobɔ afɔr akesse akese, wonnsee sika no wo hɔn ankasa honho ntsi Huzuur kaa de wɔaka mpen pii de ohia de dom bokɔ akehye asordan no ma. Asordan no a owɔ Brisbane no ye few papaapa. Demara so na owɔ de hom ko mu keye asor ma oye few. Nyankopon N'adom ara, asaase a osi do no so ara yie na asordan dadaw no woiesie; dem ntsi dom dodow beye apem (1000) botum aye asor wo ho ber kor noara mu. Huzoor kaa de beye nyimpa ahaenum (500) na wobeye asor dem Fida no, dem ntsi kwan pii da asordan no mu. Se Brisbane kurow noara mu mba na wɔbae a nkye asordan no nnkeye ma.

Huzoor kaa de, obɔ mpaa de kurow no mu mba no bodor na obeye enyigye de nyimpa no nnkoye Pakistanfo nkotsee mbom Australiafo no ankasa so bodor, oye nokwar de, dem botae yi nnkehye ma gyede onam nyamesemka dwumadzi (Tabligh) do. Owɔ de hom bo homho mbodzen, na hom mbo mpaa ndzi ekyir de Nyankopon mboa ma asordan yi nye ma. Asordan yi nnye dza odzi ewie wo apaamu ha, mbom oye dza odzikan. Anohoba Mesia (ANN) no kaa de, asordan ye kwan a yefa do da Islamsom edzi. Nyankopon mboa ma omanmba no mbra asor no mu, oye Nyankopon Ne pe a, wɔbeba. Wiadze yi mu beebiara a woesi asordan wo ho no, sama hen gyinabew ako sor mbordo mbordo wo ho, owɔ de dem asodzi yi ye hen enyiso. Pakistanfo a woetu amantu na woye dem osiande wonntsie hɔn wo honara hɔn man mu ma wonnsom de mbre hɔn gyedzi kyere hɔn wo fahodzi mu de wobotum aye asor wo asordan mu, wonntum mfre honho Ahmadiyyafo Muslimfo. Se yebotum aye iynom wo ha a, owɔ de yedze Nyankopon ho do bo Islamsom ho dawur. Dodowara wo ha a onam ahokyer wo hɔn man mu ntsi na mbom nnye mudzi ntsi a. Owɔ de hom ka dem nsem yi kyere hom asefo de mbre wobohu de hom botum aye ndaasefo ama Nyankopon a, owɔ de hom hye asordan yi mu ma, hom mma hom adwen nkɔ Tabligh do yie.

Wo Pakistan man mu no, da kor biara, woye biribi tsia Ahmadiyyafo, ndaasa yi ara Ahmadiyyafo ebien bi enya FIR sombo wo asendziibea. Osiande asordan bi a minaret si do na dem ntsi nkorɔfo yi dze nda anan hwehwee hɔn a wosii asordan no, na wohun no de oye Ahmadiyyafo hɔn asordan; dem ntsi wobɔ sombo wo asendziibea de iyi tsia hɔn atsenka na

wɔ kaa kyereɛ hɔn dɛ wɔmbubu minaret no mfi asɔrdan no do, na osiandɛ wɔannye no ntsi wɔdze FIR sombo no bɔɔ hɔn wɔ asendziibea, iyi nye tsebea a Ahmadiyyafo tse mu wɔ Pakistanman mu. Dɛm ntsi na Ahmadiyyafo binom efi hɔ aba Australiaman yi mu no. Dɛm ntsi ma hom were mfi dɛm nsem yi na hom nsisi asɔrdan dɛ mbre hom botum. Nyankopɔn mboa hɛn ma yentum nye demara.

Translated by: 1. Mr. Alhassan Kobina Atta-Wenchie
(Tutor, Jamiatul Mubashireen, Ghana)
2. Maulvi Alhassan Bashir Annan Sahib
(Tutor, Jamiatul Mubashireen, Ghana)
3. Mr. Rasheed Possible Essuman Sahib
(Second Year Student, Jamiatul Mubashireen, Ghana)

Downloaded from: www.jamiatulmubashireen.org

Contact: www.jamiatulmubashireen.org/contact-us